

իսկ եթէ բարի՝ ընդէ՞ր հարկանես զիս, ըստ որում ասաց Տէրն Մաղքոսի: Եւ ո՞ւր դնես զհրամայեալն Տեառն՝ Բարի արարէք ատելեաց ձերոց: Իսկ դու որ ընտանեացդ հաւատոյ զչարիս նիւթես՝ քանի՛ցս դառնազոյն պատիժ վճռեալ է: Դու Աղամայ, Դաւթի եւ Սողոմոնի գլորմանց լինիս մեղադիր, իսկ մեղազիրդ ի քէն խոտորիս եւ գերան քո ի քեզ ոչ երեւի, որ է անթողելի: Դու ծանեար զբանս սուրբ Գրոց թէ Հոգին Սուրբ ի մախացողս ոչ հանգչի, եւ ոտնահար եւս լինիս շնորհաց Հոգւոյն Սրբոյ: Դու ոչ երկնչիս ի բանից Տեառն որ հրամայէ՝ Հակառակողին Հոգւոյն Սրբոյ ոչ թողցի յաշխարհի եւ ի հանդերձելումն: Դու ի զղջումն դաւանութեան՝ Մախանօք յաչախանօք՝ ասելով մեղանք զնոսա խոստանաս, եւ դարձեալ զնոյն լիով ծրարեալ ի սիրտ քո դառնութեամբ եւ ժայթքես համարձակ յատենի՝ գործով կատարեալ: Աւա՛ղ մարդատեցութեան, նենգաւորութեան՝ որ ընդ արիւնահեղս եւ ընդ շնացողս դատապարտէ Տէրն, աւա՛ղ իմաստատեաց անզգամութեանդ՝ որ ոչ զիտես զի՛նչ գործես:

Արդ կատարելոյդ պարտ է զպակասութիւն իմ ընդ ըստ խրատու առաքելոյն: Եւ զի խնդալ հարկիս, զի Եկեղեցի նոր երգօք պայծառանայ, որպէս Շնորհալին նուագէ. նոր երգս առեալ նորոգողին: Եւ զի թէ յերգս իմ գտանիցի սխալ ինչ՝ պարտ էր քեզ ուղղել, եւ թէ յեղանակս իցէ թերութիւն՝ հարկ է քեզ կարգաւորել: Եւ զի յայսմ է կատարեալ բանն թէ Փողս հարաք եւ ոչ կաքաւեցիք, ողբացաք եւ ոչ լացիք: Զի թէ ընդ թօփիւք եւ վէգօք թօփածիւք եւ ճուկիւք, մանկըօք եւ չանկըօք, խաղովք մանկանց ի սագերօթ զբօսնուաք՝ շշնջէիք. եւ արդ որ երգօք Եկեղեցւոյ կառավարիմք՝ ծաղր առնէք: Եւ զի անարգանք քո ոչ է առ իս՝ այլ շնորհաց Հոգւոյն Սրբոյ, որպէս Պողոս վկայէ. Ոչ կարէ ոք ասել ատէր զՅիսուս՝